


庚子辛亥忠烈像替

寶熙題



忠存軌範



庚子辛亥忠烈像贊目錄以死節先後為次
大興馮恕纂輯
吏部侍郎謚文肅許景澄
兵部尚書謚忠愍徐用儀
內閣學士謚文直聯元
直隸提督謚忠節聶士成
甯夏將軍謚壯恪色音徵額
刑部主事韓紹徽
國子監祭酒謚文敏王蘇榮
前奉天府尹福裕
三等承恩公孫初
副都統謚忠烈奕功
宗學副管領壽蕃
內閣中書王彬
輔國公謚懿敏光裕
大學士徐桐
宗人府經歷訥欽
以上庚子殉節死難諸臣尚有事蹟遺像未完備者搜輯有
得隨時續編下同
戶部郎中春林補

總兵田徵葵
署廣州將軍謚恪愍孚琦
山西巡撫謚文烈陸鍾琦
福州將軍謚忠肅樸壽
江西巡撫謚忠愍馮汝驤
荊州副都統恆齡
江甯駐防佐領盛成
西安將軍文瑞
西安副都統克蒙額
西安駐防佐領特克什肯
舉人喜明
三原縣知縣德銳
雲南布政使謚忠愍世增
杭州駐防協領貴林
海軍軍校招鎮國
知府謚忠惠端錦
河北鎮總兵謝寶勝
以上辛亥殉節諸臣
署四川總督趙爾豐
廣州將軍謚勤節鳳山
翰林院侍講謚文節陸光熙
閩浙總督謚忠節松壽
潮州鎮總兵謚忠壯趙國賢
記名總兵謚壯武王有宏
伊犁將軍謚文貞志銳
西安副都統承燕
西安駐防佐領額哲本
西安駐防佐領圖們布
鳳翔府知府德祐
汀州府知府來秀
順甯府知府琦璘
安陸府知府桂蔭
侍郎銜督辦川漢鐵路大臣謚忠敏端方
鎮安府知府舒志
軍諮使良弼
廣東直隸州署西甯縣事馮汝楨補
京口副都統載穆補

嘗與人言忠義之事未有不激昂慷慨恨不親見其人蓋秉彝出於天性而從容赴義
守土殉節之風尤足以廉頑立懦也輓近學說變更紀綱墮廢以緬規越矩為知時以
棄地倒戈為策略而節義之重於泰山者彼且以鴻毛視之則天理絕而人道幾乎息
矣大興馮公度先生憂之爰輯庚子辛亥盡節諸公事蹟圖而贊之俾諸公忠義千載
之下凜凜如生天地正氣於是乎在而朝廷教忠教孝之旨猶於數公而收其效所惜
者遺像未能盡得耳昔咸豐庚申之變都人士殉節者較庚子且什百倍惟當時無人
採其姓名搜其遺像俾傳不朽蓋人心以忠義為本然之事不以節烈視之而在世
風奇變之今日苟不及是時表而章之又安望鐵頑起懦以保吾國固有道德於無窮
也公度索序於余因為書之歲次重光協洽丑月

賜進士出身翰林院侍講國史館協修阿璵序





庚子辛亥忠烈像贊

國史忠義傳數名臣八千
庚子辛亥忠烈像贊
未以爲何而清史忠義傳
采錄多矣亦不傳惟
賢搜羅費心血困臨
能回天若結忠孝局有清三百年

甲戌年秋

公度先生

全



庚子辛亥忠烈像贊

嗚乎天道不能無虧而無慘此運不能無隆而無替故受之否貞下則起元理之必然也當夫
晦蒙閉塞之時既丁陽九際非四七嘗有志士仁人舍生取義撫膺斷脰臨之不悔者彼其心宜
皆自以爲速於罪戾而可大白於天下後世哉唐魏文貞之言曰願使臣爲良臣無使臣爲忠
臣有味哉其言乎夫死生命也順受其心無取乎死而益於國善之善者也死而能益於國雖死
而猶自慰其善也至死而無益於國此固忠臣義士所推心泣血死而不能瞑目者矣嗚乎天也
嗚乎雖人也而實天也吾親庚子辛亥死事諸忠臣或慷慨而盡節或從容而就義或遇
迫而及雖雖家死之道之要皆慷慨然天節外無慚於世內無咎於心者獨有其心之既寧理
懽憤懣悲憫洞傷而自慙自怨一死未能塞夫責者斯誠天之無可如何矣雖然其死固不能
獲效於一時其死實足維人心也道於累以固陰沍寒之後必有陽春之昭蘇君子於此觀天
道焉公度少海寬輯忠烈諸君子遺像繫以傳贊所以志景慕示來茲者固至而更所以存世道
人心於無窮也余知其義之取乎此輒書滿篇以贊之

庚子辛亥忠烈像贊



無績庚子辛亥忠烈遺象輯其事蹟為小傳以傳之既卒業乃執筆
 而言曰國於大地之上必有特立永久固有之國性以為之本其國
 乃不至淪亡繼或有奸憚強鄰邪說曲術以挽亮之而學士大夫
 庸愚陋老謹守保愛其固有之國性終乃必底於治平累余
 徧游歐美諸邦詳考默察深佩彼族各有其國性常軸焉以順
 其國性以為立國之本原殆即曰本文辭所謂國魂者也豈國自三代
 以降以忠孝節義為道德禮教之本斯即國魂之國性三千年中
 鼎革廿五次改換甫定起視民間彼已宣作業其抗何與國
 有之國性未漓雖黃中未眉黃巢闖亂亦不能取人從自具之
 性而一敗滅之也茲編所列表是家國數千年固有之國性
 以證有清三百年教養所成用特揭而示我國人學士大夫庸愚野
 老尚士謹守保愛此固有之國性俾永久立國於大地之上哉
 歲次重光協洽日躔壽星之次大興馮恕識并書



許景澄字竹簣嘉興縣人同治戊辰進士改庶吉士授編脩晉侍講文忠公文祥
賞其才奏使日本未行光緒十年充駐法德和義奧國大臣 賜二品服戴花翎
兼使比國定購德國鐵甲甲船艦著外國師船表十二卷進呈十六年充
使德奧和國大臣駐俄六載嚴於界務成西北邊界條文譯漢圖奏疏錄
存出使函稿廿二年以工部右侍郎充駐德大臣會條羅斯德西伯利亞鐵路橫丹歐
亞謀自黑龍江達海參崴朝議不允命公綜其事旋改為商辦我投資五百萬
所謂東清路也授頭等專使偕駐俄大臣儒諒俄僑旅順事事妥歸充總理各國事
務衙門大臣吏部侍郎管學大臣兼大司馬我三門 抗爭之乃寢庚子拳難作
公與徐小雲立玉甫聯仙衛袁與秋切諫端王載漪莊王載灃 公載瀾大學士剛毅等深
嫉之忽命下斬與袁昶同斬於市天下冤之其冬有 旨褒卹予謚文肅浙人祀
之三忠祠著有帕米爾圖說西北邊界地名考證

妖秋神祠兇孽敷震驚許公嶽：識卓志凝折檻批鱗直批霄謗
陰陽慘酷神人鑒若芳龔柵蘭碧糝長血



袁昶字與秋桐廬縣人光緒丙子進士授戶部主事充總理各國事務衙門章京升員外郎授徽甯池太廣道勤於民事隄工計田農桑學校次第興舉嘗上書言時政略謂德據膠澳蹙急而小倭自西北至東北与我壤地相錯蒙喀四十九旗將折入異域極紆而大宜亟練勁旅痛革華靡夙習雖不能謀戰要不可不謀守我朝八旗初制文武不分途內外不分途人皆兵官皆將故人才盛國勢強承平日久文法餘必諸臣教過不暇相率而為鄉愿而人才靡矣洪楊之亂一細民耳竭全國之力僅乃克之况諸國互肆毒計有不乘吾敵而攻吾短者哉夫敵國外患為殷憂啟聖之資苟用人不拘文法則理財練兵防海交隣之策可次第就理上覽而嘉之下中外謀行濟陝西臬司直隸藩司內授太常寺卿在總理衙門行走庚子變亂作公先逃三疏必陳邪教始末請勦撫兼施保衛外使并初始既諸臣端庶人輩恨次骨台對時尤切直遂于六月与許文肅公同斬於市其冬有旨褒卹予謚忠節浙人祠之著有漸西集刻

余友徐水張負外壑衡有條谷某嘗給役太常家曰太常既上疏知不免六月某日召見既得旨猶揚揚如平時處分家事命額課子畢始升車趨朝朝退即赴市就戮刃即加斷處無點血若有輕膜之暮者至斂猶然世稱太常修道有得其信然與予友泣然曰此盖太常忠直之氣所以感天气地泣鬼神者也悲夫



徐用儀字小雲海鹽縣人咸豐己未舉人由刑部主事充軍機章京
兼總理各國事務衙門章京所擬約章詔旨動協機宜為恭親王
所倚重授員外郎中鴻臚少卿晉工部侍郎調吏部改總理衙門
大臣軍機大臣光緒甲午中東事棘卒構和公以論事與翁常
熟晤解樞廷及譯署職戎戎 孝欽顯皇后再訓政公再充總
署大臣授左都御史兵部尚書庚子義和拳亂作殺德使克
林德日本書記杉山彬公欲按公法令各駐使辟地以紓甌與
許景澄立山聯元袁昶請對決大計力陳奸民不可縱外鮮
不可開容色毅然端庶人等嫉之七月十七日公与立尚書
聯閣學同棄市 兩宮西幸詔滿雪之復故官宣統元年
追謚忠愍浙人祠之与袁許合祀稱三忠云

庚辛之際篝火祠孤徐公奮起疆諫伏蒲蕭樊縲紲
信越趙戮乾綱替陵其何能泐



立山字豫甫姓土默特氏蒙古正黃旗人由生貢充內務府筆帖式
 升堂主事歷負外郎中賜二品服光緒五年監江蘇織造歷四任
 擢奉宸苑卿改武備院卿授總管內務府大臣正白旗漢軍副都
 統戶部侍郎太子少保二十六年授戶部尚書時兩宮垂簾
 聽政上孝養隆備凡諸進御固不怙志遠孝欽顯皇后
 專朝事先能先意承志深合慈衷園囿臨幸內廷曲宴咸隨
 從之賜予優渥世莫與比庫子拳難起流言煽亂盡感視聽
 深官信之公侃直陳不以為可且發端在瀾剛愚謬跋扈之
 狀遂觸當事之怒以公寓居隣教堂垂語誣藏匿外人竟與
 徐尚書聯閣學同斬於市三日始就斂事平詔雪其冤宣統
 元年追謚忠貞

宮中府中莫非王臣虞人誓御瓊林大盈昊天疾威
 撫既成叩閣強諫鐵中錚東市伏鎖邦奈其刑
 夕陽芳艸千古淒馨



聯元字仙衡姓崔佳氏滿洲鑲紅旗人光緒同治戊辰進士選庶吉士授編脩屢充會試同考官擢侍講授安徽太平府旋任安慶府升滁和道調惠潮嘉道感會風雲奮其才知凡茲所蒞咸著政聲授安徽按察內用三品京堂補內閣學士飭在總理各國事務衙門任事服膺程朱之學博學勵志植品如光緒庚子拳難作公逆知其不能成事上疏切諫力陳亂民不可輕信外敵不可仇視邪術不能強國外鮮不可輕開語蒙切至召對敷陳尤剴激與首禍諸王公大臣爭論於帝前且謂甲午之役日本猶不能勝況八強乎儻戰而敗如宗廟社稷何端莊斥其不祥七月十七日中旨與徐立二尚書同斬于市昭雪後予謚文直順天府疏請合祠公與立山宣武門外其屯居寶坻縣更建專祠焉

撫禍芒：元黃愕：知之章：言之鑿：卓哉聯公嶽：
嗚：慘黷如斯唯死報國臣身可糜氣不可奪億代千秋君子有作



王燮字襄臣甯河縣人咸豐間鎮海狗難愍兵王壯節公錫朋孫
勇嗜學工詩能文章由文生負廩罷騎都尉授京師左營游擊
左營提轄京通一帶為倉儲重地公緝治倉匪嚴厲倉督長萃使
公愍管巡漕弊絕風清歲增米數萬石加總兵銜光緒庚子五月
二十五日公正彈壓萃匪保護電綫行至東便門外三塊板地方
習萃者故皆本地倉匪也積恨公已久遇公圍而斫之已復醢之旋
焚其骸事聞贈總兵著有奏園詩鈔三卷撫言一卷

子友王酌生太守焯公弟也時官吏間燮潛託鄉人李君至其
地徧覓忠骸不可辨識與同殉者成一邱之貉嗚呼慘哉



聶士成字功亭合肥人初以素端敏公甲三討捻匪改隸劉武壯銘傳軍
 援江浙閩皖軍積功擢至副將捻匪平保提督光緒甲申法人據基
 隆公率師渡臺灣戰卻之師還隸李文忠公麾下駐紮順口十七年調
 統淮練諸軍擊朝陽教匪有功賞黃馬褂及巴圖魯阿巴圖魯勇號
 授太原總兵治軍嚴明嘗單騎巡歷東三省倭羅斯東境朝鮮
 八道圖其山川阨塞著東游紀程甲午日韓亂起公駐師牙山守公州成虎
 山扼大高嶺雪裏站或戰或守一從督師者拍塵故無大衄陣斬敵將富
 剛三造授直隸提督師校改所部三十營為武衛前軍操典一效德國與
 榮祿袁世凱董福祥宋慶各統一軍所謂武衛五軍也庚子拳亂作
 賊愬兵楊福同命公剿辦擊殺數十人匪大恨訴諸朝旨訶責
 之無何外國連軍至公率所部禦之連奪陳家溝跑馬廠八里台喋
 血八晝夜敵發毒煙礮軍卻公立橋上橫刀揮斥忽中礮彈
 殞於陣腸胃洞流時七月十三日也事聞贈太子少保謚忠節

祠孤篲火黃天張角駟集烏合遂震幽涿卓哉元戎身燬
 宛雒芑儻騷依飢衣長血以死勤薦薦盟用禴



裕祿字壽山姓喜塔臘氏滿洲正白旗人鄂撫崇綸子召筆帖式游升郎中外簡熱河道授安徽布政使同治十三年升安徽巡撫皖當髮大亂之後民生凋敝士紳恣強公公不言己能忠不言己效希德施惠以乃大和李世忠縱戾不法公以計擒奏斬之仍厚卹其家人以是多之授湖廣總督調督兩江改盛京將軍入為軍機大臣會朝廷徵榮祿入樞垣公代督直隸勤慎廉能不偏不倚光緒庚子拳匪難作由山左蔓延直隸以仇敵為名輕啓外衅公持正論主勦捕其首逆落奇寔之法亂既亟深宮惑之公怵於京朝救徐用儀許景澄等五大臣之事知其謬誤而欲罷不能不殺不依違其間而亟飭各防軍嚴守備五月各國連軍由津登陸公部下戰敗大沽天津次第不守公退楊村從者僅十餘騎聞津城陷自戕於行館事平朝論謂其縱拳故恩卹不之及云

城存与存城亡与亡大夫之義君子之光猗歟裕公歿亦堂雖匪上知大節彌芳



王廷相字梅岑直隸承德人本山東回籍篤行勵學謹守
 程朱家法与宛平陸鍾琦朝陽汪友嘗相切礪居家以
 孝友聞光緒乙酉科舉人丙戌成進士改翰林院庶吉士授
 編脩充山西學政時口外七廳游饑有司未報公上疏言災民
 殘弊狀平獲優振二十年轉御史直言敢諫聲震中外宗室
 覺羅官學久廢弛公請依八旗官學新章求實際議行之國用
 不足羣小譏加賦公亟諫為民請命事遂寢戊戌元旦日食疏請
 勤脩省冗諱以進賢退不肖為言曰初張蔭桓媚外人交近侍又稱
 浙江學政徐致祥秩滿調安徽外似優隆內實屏逐嚴旨飭回原衙門
 再官編脩庚子奉詔作李秉衡帥師勤王出禦連軍運公贊助乘
 衡軍敗徇國公知事不可為尋李公尸至河西務赴水死子履豐
 救獲護不及同入河遇挫免事間贈五品卿子世職賞履豐主事
 事親養志事君致身蜚聲翰苑樹望諫垣依仁服義守
 一懷忠敬然無滓屈子同風



色普徵額字智泉姓舒穆魯氏滿洲正白旗人幼隨大學士瑞麟
 征擒匪裏創力戰斬馘甚眾改隸科爾沁親王僧忠親王麾
 下轉戰冀魯皖豫間感會風雲奮其智勇同治年從都統
 穆騰阿軍畿南班勞榮勳歷遷至叅領光緒三年授鑲紅
 旗漢軍副都統神機營專操大臣二十六年擢甯夏將軍
 未上拳匪亂作奉命駐守西華門五月十四日中百發守正陽門
 晝夜巡徼不少休息七月中旬公達知城將不守以一齒付僕
 告家人藏皮之不斃日英法美日連軍發巨礮轟城城陷公
 與守陣將士皆中礮死亂後求公尸不可得遂具衣冠裹遺
 齒與夫人合葬事聞贈太子少保謚壯恪

李二曲先生信吾先生崇禎壬午從軍討流賊臨發留
 一齒於家後為齒家觀乎壯恪一何侶邪嗚呼可以風
 矣



鍾祺字味春姓馬氏漢軍鑲紅旗人由諸生承襲一等
子恩賞二等侍衛好讀書有文武材服膺陸王程
朱之學不主一家為人伉爽有奇氣始曰日本甲午
之役上書自效遂從戎盛京將軍依克唐阿深器之
使統領邊馬隊光緒二十五年李秉衡以巡閱長江大
臣奏調佐軍幕拳匪亂作李帥入衛與聯軍戰
潰敗死於河西務公以禮鯨之歸櫬京師次日京師
陷公自縊殉節事聞照頭等侍衛優卹著有五倫大
義馬氏日記等書

晨飛鐵騎夜落旄頭將星不曜海氛互流忠
觀歸來下泉隱憂一死報國芬散千秋



韓紹徽字小山貴州貴陽縣人光緒甲午進士授刑部主
事勤於其職庚子拳亂作公憂心君國與同官談次
往：涕泣誓以身報國七月二十一日聯軍攻陷都城
兩宮西狩公入署自經於刑部陝西司堂上逾月始殯
斂事平奉旨優卹祀刑部楊忠愍公祠所作詩文散
逸不傳

神孤夜啼枯桐霜蝕君子有作孤忠兩泣黔山
壘：灝水茫：貞魂千古申桂流芳



熙元字吉甫姓喜塔臘氏滿洲正白旗人殉難直隸總督裕祿之子光緒己丑進士改庶吉士授編脩清升祭酒丁憂家居庫子七月二十一日各國連軍陷都城兩宮西幸公憤極要妻費莫氏兄妻富察氏仰藥殉難事聞贈侍郎銜謚文貞妻嫂咸予旌表旌以公与王文敏兩祭酒同時死難大節昭著附祀國子監官舍韓文公祠

餘霜夏零寒泉秋沸天狼夜孽
大節凜如一門忠義無媿師儒
芳艸晨萎觥祭酒



王懿榮字正孺號蓮生山東福山縣人祖兆琛山西巡撫父道源四川成
縣道公少幼學於書無所不讀中光緒庚辰進士選庶吉士授編脩
直南書房大考擢侍讀中東事起日本陷威海榮城公請回里練
鄉兵講成旋京授祭酒賜二品服庫子義和拳匪亂作五月命充京
師團練大臣自言受任愈鉅報稱愈難七月廿日聯軍入東便門公見亂
兵塞途念惶慙知事不可為歸語家人以城破義不苟生遂仰藥未絕
復投井中死妻謝氏子婦張氏殉焉八月二日山東張侍郎英麟始出尸并
中具棺歛案上得絕命辭曰主憂臣辱主辱臣死於止知其止此為
近之末具署官職姓名事聞贈侍郎謚文敏妻暨子婦均予旌表
附祀國子監官舍韓文公祠公平生學問淹博根底深醇文章灝衍
尤好金石蒐輯攷訂甚富書藏其家

三精霧塞九縣颺伏海水晨飛樹神夜哭桓：祭酒鬚髯奮
張主辱臣死亦堂：挈輜輶兮隨子婦東風飄兮神靈雨
靈紛：兮齊東下陳耕耨兮奠桂醑忠孝章兮金石千古



寶豐字鶴年正藍旗第八族長宗室耆學好古品節清粹光緒己丑進士改庶吉士授編脩二十五奉朝廷立溥儀為大阿哥命公在弘德殿行走授大阿哥讀擢侍讀庚子七月二十日東西洋連軍陷都城兩宮西巡隨扈不果自題絕詞曰忠孝節廉本乎天性見利思義見危授命鳴諍寶豐不失其正遂嚙金而死事聞贈太常寺卿謚

祇孽儻地赤肯迷天金根夜校西鄰責言寶臣詞臣
扈行不遑殉節留題千古歎
君



福裕字餘菴姓烏齊格里氏蒙古正紅旗人大學士文端
 公倭仁子以一品廕生理藩院員外郎充步軍統領衙
 門章京從征江甯有功戴花翎簡新置鎮迪道烏魯
 木齊領隊大臣西甯辦事大臣擢江蘇布政使調奉天府
 尹謁告歸遇庫子之變八國聯軍陷京師聞 兩宮
 蒙塵西幸仰藥自殺其兄福威徽甯池太道咸豐
 十年殉髮匪之難堂兄福潤由安徽巡撫告歸是年与
 公同殉全家死之一門忠烈知文端之教澤深矣
 公子翩：布政優：作尹陪都養望燕幽妖星睽
 賜輦轂西馳回天無術以死繼之



延茂字松巖姓杜氏內務府漢軍正白旗人同治癸亥進士改禮部主事遷鴻臚少卿屢有達白若興學務儲使才致險要續地圖諸說皆蒙嘉納歷官至黑龍江將軍旋授勅歸庫子歐美連軍入都偕弟延芝守安宅門七月廿一日城陷公及妻李氏弟延芝妻唐氏延蘭妻董氏延泰妻李氏延衡妻李氏延蕙妻陳氏延蘭大女二女三女并延芝之女十三人闔家引火自焚殉節事聞贈太子少保謚忠恪其妻與弟及其兄弟之妻女悉予旌表並即其殉難之地建專祠

城亡與亡大節堂：熾火赫旗柵蘭信芳桓：將軍
卓爾君子俎豆飮芬猗歟終古



葆初字效先姓阿魯特氏蒙古正藍旗人戶部尚書文節公
崇綺子以 孝括毅皇后弟推恩襲封三等承恩公遵父
命也官散秩大臣光緒庚子七月二十一日東西洋連軍陷北京
翠華西幸廿五日公立京邸奉母偕妻子等同殉事文節公
傳公生平恪守庭訓性恭謹者學好古洽聞雅稱儒宗工
書有家法嘗鬻書廠肆識者寶之公殉節後吉光片羽
尤見重天下云

卓：小侯忠孝之門世祿之裔能以書名抗手歐虞
希蹤顏柳大節千秋金石貞壽

崇壽字鶴汀姓溫徹亨氏滿洲鑲黃旗人光緒庚寅進士改庶吉
士授編脩晉侍讀庚子七月廿一日歐美日本連軍攻陷京師
兩宮倉黃出狩公扈從不及割刃匈腹而死事聞贈太常寺
卿謚文貞

翟泉蒼鳥天亭夜坐翠華一去華嶽晨低主天下
大閑惟節与義主辱臣死外遂其志



奕功字懋庭鑲藍旗第 族宗室歷官奉宸苑卿鑾輿
使正白旗護軍統領正白旗滿洲副都統御前侍衛
夕宿衛克勤厥職光緒庚子東西洋連軍陷京師
兩宮倉皇出走公自以世受國恩不能扈從深用憂憤
七月二十一日城破次日率妻祥氏妾瑞氏宗氏李氏子載捷
女五人同時引火自焚或投井死事聞贈建威將軍太子少
保謚忠烈入祀昭忠祠

悲忱篤恭懇其忠甘死如飴盡室相從左挈手細
若右携子女人天蒼遘宗臣千古



壽富字伯第宗室正藍旗人禮部侍郎寶廷子泛覽羣籍
 深於周禮有通外國書史算數光緒戊戌成進士改庶吉
 士文辭詩賦有聲於時憤八旗人才不振著文勸勵之立知恥
 學會思欲警勸多士以圖自強孫文正公家鼐奏派往日
 本查學務制度著日本風土志上之上召見奏對移時
 上深器之庫子奉教關公以書拒榮祿言董福祥軍
 宜託故使離畿輔再解拳民曰董實既根拳為枝榮也
 榮不省外舅文直公聯元以諫枉死心愈憂之常以毒藥自隨
 秋七月各國連軍陷京師公偕弟壽蕃及堂妹侍郎寶森二
 女與其婢隆兒同時仰藥後復投繯死事聞贈侍講學士妹
 婢旌卹有差著有搏虎集弟自有傳

鳳羽麟紱璀璨其文屯蒙履蹇濟之以貞視歸帝鄉
 雲旂五章一代天潢山高水長



壽蕃字仲第，號菊客。農壽富弟，竹坡侍郎寶達次子也。生有至性，幼喪母，一生無歡樂容。好刺石，章工績事，以四品宗室充右翼宗學副管學。光緒庚子，歐美連軍陷京師，隨兄壽富及妹二婢一同殉國。兄弟姊妹四人，用黃色帶，婢藍色帶，自縊死。事聞，贈卹有差。

韓：常棣采：卷施金荃。瓊芳秀於天池，余情信芳死生以之。運還易九君子用唏。

全成字 蒙古正藍旗人克蒙古奏事官兼公中佐領三品
章服二等待衛光緒庚子七月二十一日京師淪陷 兩宮幸陝
西自以年老不能隨扈與妻樸佳氏子婦宗室氏次孫英綬三
孫英緒同時仰藥殉節事聞照頭等待衛賜卹妻及子婦
兩孫皆予旌表

潢池夕沸海水晨歆鸞輿萬乘苦遘西巡楯陞清節
老宅京閭室乳藥忠孝天成



玉彬字文甫姓察罕氏蒙古鑲紅旗人光緒甲午進士官內閣
 中書喜離騷工詞賦庚子秋聯軍陷京師隨其父六品頂戴
 護軍札隆阿及母赫舍里氏妻多羅特氏弟玉白赫以
 殉年二十有九事平有旨卹贈知府其父母妻弟并予
 旌卹

貞風宣盛赤首履天堂 察罕兩世殉焉
 身殞泉壤魂守帝京奕倫攸叙無愧所生



樸誠字仲存正紅旗第一族宗室順承郡王後裔也以廕
官宗人府筆帖式委署主事充玉牒館則例館諸差克
盡厥職靜默寡言笑論事持正不阿亦不立崖岸光緒庚
子歐美連軍入都兩宮西狩公侍其父奉恩將軍札隆阿
至郡王邸第家廟同時自經死妻舒覺羅氏妹一女一皆殉
時七月二十七日也事聞賜卹如例

天潢世胄昭代完人是父是子取義成仁主辱臣死無
忝君親幽光潛德宜享明禮



光裕字伯寬 旗第 支宗室肅封奉恩輔國公充委散秩
 大臣神機營選鋒統領守護陵寢大臣領侍衛內大臣內
 務府大臣恭肅畏敬恂循道光緒庚子七月外國連軍
 北攻京師淪陷 兩宮幸陝公分守內城門不得扈從
 且自憤敗衄乃於七月下瀨自戕以殉事間贈貝子銜入
 八分輔國公謚懿敏

枝分若木瑤牒垂芳才高國器派衍天潢疾風
 勁艸日月爭光泰山一死黃祚流祥



韓培森字子喬餘姚縣人光緒丙戌進士選庶吉士授編
修博學能文與陳蓉曙吳子脩榮華青輩相友善
詩酒往還無虛日分按會試授江西道御史巡視南
城庫子拳匪猖獗朝野驚駭公日夜出巡刻無暇晷
維持一方治安身心交悴回勞致疾仍視事不少殆
急城破兩宮蒙塵西幸未能扈從遂絕粒以殉年
四十有二事半贈太僕寺卿廕

妖星墮地塵生輦轂繡衣使者安人守土天心
不轉強隣積怒碧血一泓丹心千古



徐桐字陰軒漢軍正藍旗人尚書澤醵子道光庚戌進士改庶吉
士授編脩晉侍讀咸豐戊午以科場事奪職十年賞檢討同治
初入直尚上書房直弘德殿先後請勤修省習政事成大學體要以
進授禮部侍郎光緒中晉尚書議繼統議俄約時論辯之授協揆拜
體仁閣大學士兼領吏部平生篤守理學舉動方重甚得大臣節慕
文百川倭艮峰之為人號八旗官學詳定章程嚴稽功課得人為盛
庫子拳亂作公居鄰使館深嫉西人在華者之橫且忿教民之倚勢欺
侮良善也適山東莠民之習八卦教者練拳舞刀以保清滅洋相號
召闖入畿輔朝貴聞其說多盲從之熒惑兩宮名之曰義和拳其
禍乃成公微袒之迨歐美連軍陷京師兩宮西幸公衣冠北向九
叩投繯甫入氣已絕矣年八十有二以其袒拳恩卹不之及云

褒衣博帶道貌儼然惜哉知昧適畸其偏見危
授命幸契衛詮善從長吾何曹焉



崇綺字文山姓阿魯特氏蒙古正藍旗人大學士賽尚阿子女為 穆宗后
 升隸滿洲鑲黃旗初官工部主事升員外郎以父戰敗奪由舉人會試中式同治乙
 丑殿試一甲第一賜及第授修撰我朝二百數十季滿蒙旗籍試漢文獲大魁者只公
 一人論崇之九年升侍讀十一年詔冊其女為后封三等承恩公授吏部侍郎會
 試總裁授吉林將軍調盛京將軍再為戶部尚書 穆宗崩 后絕粒以殉
 是為 孝括毅皇后由是忤阻不安急謁告家居公夙者學恪守程朱家法遺
 榮志古內介外和彬然宏博君子也光緒二十五年 孝欽后懿旨立載漪之子溥儀
 為大阿哥嗣 穆宗將以廢立也召公傳之次年 慈禧作歐美聯軍將入京翠
 華西幸公隨榮文忠祿欲追扈倉卒誤南走至保定道梗不可行居蓮池書院中
 聞京師陷衣冠投水死妻瓜爾佳氏子葆初子婦宗室氏孫廉宜廉容廉密廉
 宏長孫婦巴爾特氏女孫萱格謙格姪受恆姪婦李氏姪孫女成格十三人立
 京寓預相深坎七月廿五日同卧坎中令人掩土生瘞全家殉節事聞謚文節
 敕建專祠子姪孫軍子謚贈銜有差婦女志予旌表附祀祠中 聯
 大運將衰邪說斯行奸人乘之國祚乃傾家諸公見不及
 此卓哉若人允矣君子



訥欽字康甫鑲藍旗第六族宗室和碩莊親王舒爾哈齊後裔光緒己卯科舉人宗人府副理事官宗人府經歷庚子年歐美連軍陷京師兩官西幸公未得扈從昕夕徬徨八月十九日殉難事聞照四品官賜卹贈太常寺卿

端孽煽亂天文夜吁盈廷嬖倖固執大愚主辱臣死何辭國殤成仁取義玉麟之光



廷雍字劬民覺羅正紅旗人少好學工書善畫得乃父語鈴中丞崇恩庭訓
為多由監生戶部郎中簡承德守擢奉錦道庚子升直隸按察施升布
政奉教開起朝命嚴禁公檄所屬和道六月又詔齊民習拳崇德公不
敵抗違七月八國聯軍與官軍戰官軍敗總督裕祿死之朝命公守其職
兼統其軍廿一日京師陷兩官西幸武衛軍敗退保定亦命公轄之八月譚
道文煥率拳目謁公榮感立縛其首領八人斬之令提督梅東益追剿斬數
十百人譚道者始感裕制軍庇縱憤事者也時李文忠公以全權大臣北上
議款得公揭報信公非庇縱者聞聯軍派兵赴保飭公戒備閏月駐日李
公使牒稱日人未告聯軍將攻保宜遷民移餉以禮迎接則既輕文忠以告
公曰諾九月朔聯軍至公往晤洋官商明兵不入城具館舍糗糒若相
安者有充德古人者某懾德帥瓦得西之威泄露遼民移餉之事並稱
庫儲有二百四十萬兩瓦偪索之僅廿四萬怒極遂拘繫公及按察沈家
本城守尉奎恆參將王占魁十五日公與奎王同戮於市沈得釋回

清談卷霧顯氣如虹碧血灑地丹忱毋空功著易顯理隱
難昭廢邨不遠沈哀蕭二



春慶字杏園荊州駐防滿洲正紅旗人光緒庚辰科繙譯進士三品銜奏事官戶部郎中光緒二十六年拳匪肇亂歐美連軍入都兩宮西幸公徒步隨扈出都兵民載塗趨趨難進旋為洋兵所戕

栖遲郎署守分安常其志其氣乃貞乃剛恥君之辱誓死以償書諸簡策名氏留芳

公慶先生屬題

天地正氣

陳三立




春慶字杏園荊州駐防滿洲正紅旗人光緒庚辰科緒譚進
士三品銜奏事官戶部郎中光緒二十六年奉匪孽
亂歐美連軍入都兩宮兩幸公徒步隨扈出都兵
民戢盜趨避趨為洋兵所賊

和廷即署守分安帶其志其氣乃貞乃剛
恥君之辱將死以露書諸簡策名氏留芳

公度先生屬題

天地正氣

陳三立



庚子辛亥忠烈像贊

第二冊



田徵葵

田徵葵字夢琴浙江上虞人山西候補知縣光緒三十一年趙
 尔吳任盛京將軍調奉委用歷保道員徐世昌劾之去職
 尔吳任四川總督徵葵隨入川復原職借補松潘鎮總兵
 宣統辛亥爾吳他調弟尔豐署總督檄徵葵總辦營務
 處用法嚴刻川俗剽悍軍民咸不服是年爭路事起士兵
 譁變徵葵斃多人旋在重慶遇害年五十有六二女一妾同
 殉徵葵死而川事亦糜爛矣

水激則湍石激則反并絡天彭其俗慄悍韋皋張詠
 其法可思嗟哉徵葵以嚴失之



趙爾豐字季和漢軍正藍旗人始以鹽大使官廣東改選山西知縣補靜樂尹擢河東監掣同知隨錫良之總河任有績保道員錫良遷熱河都統四川總督公皆從之奏署永甯道授建昌道時川邊多故瞻對一帶要固兵公設施籌措咸中窺要遂賜侍郎銜授川滇邊務大臣會同川督錫良滇督丁振鐸條奏改流設官開州修路練兵墾種通商興學諸大政廷議允給銀百萬一施行三十三年命署川督馭下嚴明吏治肅然英國人請鑿三峽行輪船公召蜀人自勘淺水輪以阻之卅四年公兄爾興督川公再任邊務大臣經營邊藏設安康道改打箭壩為康定府已安府及河口稻城定鄉三壩廳鹽井諸縣治計擴邊地橫三千餘里縱四千餘里設治三十餘處朝廷以外交責言為慮故其施為措注示緊實行再署川督加尚書銜夏爭路事起議論鼎沸成都罷市人心汹湧商辦川漢鐵路設公司籌銀二十萬盛宣懷倡收歸國有之說咸大譁公回成都見亂機已迫思弭解之電奏請變更辦法不允嚴飭緝首要不得已拘蒲殿俊等九人其黨揭竿攻城會匪逞起應之軍民迫請公獨立抗拒朝旨公震怒遽讓權於殿俊殿俊自稱都統走匿標統尹昌衡自立擁兵攻督署時朝旨命端忠敏入川查辦即署川督未至而武昌難作蜀應之十一月初五日擁公至皇城控辱萬狀公憤言不屈遂遇害

武克旤亂文懷遠戢戎車載戰邊人用甯同文同軌天下達道
 澤火應之民乃紛援身靡邦危悠：蒼昊



孚琦字璞孫姓西林覺羅氏滿洲正藍旗人由筆帖式累遷至
刑部右侍郎光緒末葉試行立憲政體詔改刑部為法
部公改官都統宣統初元授廣州將軍三年革黨隱匿
廣東省城之黃花岡謀起事公閱操適經行其地黨人
意謂替部也遽以炸彈擲之中公乘輿遂遇害親兵十
餘人及輿夫皆死事聞奉旨優卹予謚恪愍

澤火燄燄風塵蔽虧三百年来變而愈奇倫紀
絕滅國步阽危載胥及溺君子曰噫



鳳山字禹門姓劉氏漢軍正白旗人光緒乙酉緒譯
舉人以神機營章京用累遷至副都統授荊州將
軍宣統辛亥調廣州將軍未至而武昌事起粵黨
人應之潛伏香港謀糾土匪攻省城公蒞粵之任總督
以下皆不敢郊迎或告公曰黨人悍且譎公宜變服裝之
官舍毋蹈李將軍覆轍公不聽日午輿衛導行甫至南
門黨人突擲炸彈輿中市屋傾墜死十餘人街石寸裂算始
得公尸於倉前街焦爛無完膚時九月四日也事聞贈太
子少保謚勤節

赤鯉拂潮白虹母日狐嘯狼嘯天降之孽前軌
既推來軫胡頭人之云亡星為夜泣



陸鍾琦字申甫宛平人本籍蕭山少幼學有聲庠序間
光緒己丑進士授編修庚子連軍陷京師公闔戶自
經其庶母救之得不死簡江蘇糧道擢江西按察使
升湖南布政使調江蘇布政宣統三年授山西巡撫載
木自隨到官二十一日武昌兵變風聲達太原公調山西
新軍閻錫山等防南路令巡防營陳政詩填防省垣九月
七日發饒械新軍驟變攻撫署公出坐堂皇責問之遂被
官妻唐氏子光熙護救不及皆被戕殺僅人馬八牛萬春李
升同殉事間上震悼賜優卹謚文烈

桂林彌芬蘭藝弥芳榮之子宏濟綱常世際否
塞身康道揚三晉雲山不顯其光



陸光熙字亮臣山西巡撫謚文烈鍾琦次子也光緒甲辰
進士選庶吉士赴日本學陸軍畢業歸國授編脩升侍
講辛未秋乞假省父於山西九月新軍變以救父倉皇被
戕卒贈三品卿謚文節

水澤占爻澤火揲卦載舟覆舟胥是水也撫軍
慷慨忠能死節公子千秋芳乎維則



樸壽字仁山姓費莫氏滿洲鑲藍旗人光緒甲午舉人吏部郎中總理各國事務衙門章京庫子東西洋連軍陷京師兩宮倉皇出狩在京官民欲報城破後情狀若不得達公毅然以自任偽為難民懷疏艸步行出居庸及之於懷來行在所上之自是詔疏始通授歸綏道充庫倫辦事大臣授綏遠城將軍內召為都統授福州將軍宣統三年九月福州新軍附合革命攻駐防營公情喻理遣不可曉譬乃与之戰器堅利兵用命屢敗變軍然精銳傷亡漸多變軍殺潰旋增來如潮湧公力漸不支遂被執挫辱萬端不屈支解之死寂烈事聞贈太子少保謚忠肅

廣州既始戕兩將軍福州效之事乃益夢天垂妖象地見災符篆重於生乃至是乎



松壽字鶴齡姓佟氏滿洲正白旗人以任子為工部筆帖
 式累遷郎中授陝西糧道擢山東按察調江西晉江甯布政
 光緒廿四年授江西巡撫調江蘇旋移河南加尚書銜所蒞
 民安所去民思廿八年授工部尚書正藍旗蒙古都統外簡
 熱河都統以地控蒙古條上吏治軍政興學理財及礦政方略
 甚悉內召為兵部工部尚書授察哈爾都統戊申授閩浙總
 督兼守福州將軍居官二十餘年律已清嚴臨下寬恕不驚
 虛譽時論歸之宣統三年八月武漢事起江浙川湘新軍繼
 之閩軍思變說駐防糧甲投誠將軍樣壽拒之遂決戰始
 勝終大挫西樛公及多數駐防副都統參領佐領驍校馬
 步甲兵士死焉公憤甚嘔金卒事間贈太子少保謚忠節

陽九之厄極于辛亥三綱既淪道德胥壞堂督部
 抗節无悔山高水長馨香芳莛



馮汝駉字星巖河南祥符人光緒癸未進士改庶吉士授編戶部主事充
 軍機章京升員外郎中授瀘州府未上母喪歸服闋除青州府調大名府
 擢湖北鹽道改徽甯池太道授甘肅按察陝西布政使浙江巡撫三十四
 年改撫江西公寬厚清靜明察內敏勵學不勸尤好宗五子之書時中朝屬
 行新政籌備立憲公以舊臣參預大計凡所措施不激不隨次第咸舉公之
 政績以處分博山瑠璣室工人為最著而所歷各治操守清嚴賢勞盡
 瘁電撤九江領事中外尤稱道之宣統辛亥秋武漢事起賴民應之公以勁
 旅移贛南備粵以新軍守省城九月中官多逃官舍為墟公獨毅然曰蒙
 毅世恩負守土責將安辟顧死生以之翌日新軍突變城中皆火光公知事不
 可為乃遣眷屬北行單騎之潯謀規復為革命軍偵知乃圍公九江九月十八夜
 公以印綬秘交其兄馳檄朝廷遂仰藥殉事間照總督例賜卹謚忠愍
 烈風勁艸板蕩忠臣市人制梃波濤欲歆歆兵革寢滋王道將崩
 回天無力不如無生



趙國賢字良臣河南固始縣人少從軍閩隴以驍勇善戰名累官至總兵
記名提督授廣東潮州鎮總兵留充武衛軍統領陸軍第六鎮統
制宿衛宮禁承張忠武公勳後忠勤禮讓有儒將風宣統二年之潮州
任會綠營弁兵大裁汰巡防營隸知府部下明年九月革命軍起知府
陳開城迎降公以太大義責之不聽召所部又不至志甚自縊
死事聞贈太子少保謚忠壯賞騎都尉兼雲騎尉
龍武朝乾嶺海甘節腹心干城憲令德貞風宮壺熾火赫
旗威仁取義天下哀之



恒齡字與九甥友蘭姓舒穆魯氏荊州駐防滿洲正藍旗人武勳王
揚古利後裔少者學嫻兵法以文生負累擢協領初官佐領兼主
外交以夙習武略乃勦練新軍設講武堂教鄉人庠子奉亂湘人旅荆
者乘隙煽沙市豐船洋領事署及稅關執頗受公保護洋人誅首要
事乃定將軍綽哈布惣督張文襄之洞咸重之八旗高等陸軍小學皆以
公為監督領振武新軍宣統紀元調熱河充練軍統領授甯夏副都統
嚴煙禁開渠屯田三年以憂去官迎父匱於萬縣未至而革命難作命署
荊州副都統毅然以城守為己任時方患癰瘡榮騎出晝夜檄巡血
濡縷猶力戰事亟外城失公公服坐官舍堂皇發短鎗自洞胃而殉
遺書子若弟期以同死詞旨甚哀文長不錄公死翌日荊州陷事
聞謚壯節其參謀長德需與公同日自刎

有明之季盧公象昇麻衣血戰赤威名越三百年恒公
繼起奇烈孤忠逸先一軌



王有宏字錦波天津縣人初隸銘軍為伍卒自平定髮捻剿台
灣社番法國人攻臺諸役靡役不從皆有功累膺保薦至游擊手
日本渝盟後証出關和議成入江南防營緝梟匪著績升總兵
鹿文瑞公傳霖深器之使扈兩宮驛回京張安圃人駿撫河南
奏留倚練新軍張督兩江使公將江南緝捕營管帶督衛隊宣
統三年湖北告變檄將選鋒十營會同提督張忠武公勦軍守江
甯嘗請嚴守上海製造局斷滬甯鐵路未及行蘇撫程德全宣告
獨立率江浙聯軍攻江甯公將三百人通濟門禦戰敵發巨
礮中顧殞命事聞贈太子少保謚壯武

才四十年金陵再圯天數誰知江山難恃澤火上炎用六
占又惕哉君子死輕鴻毛



盛成字挹軒姓 氏荊州駐防 旗人同治初克復金
陵調駐江甯由武舉人官駙騎校擢佐領辛亥民軍攻金
陵天保城破將軍出走公與妻某子婦趙氏孫國瑞女三
趨火藥庫携酒痛飲引火焚之庫炸裂同死友人哈朗阿
及妻子燔焉附近旗民無老幼巨響一震死不知數

潰：沸騰芒：塏黷天地離阻神人慘酷旻天疾威
鉅豕心目烈而赫之千秋一笑



志銳字伯愚一字廓軒姓塔他拉氏滿洲鑲紅旗人光緒庚辰科進士選庶吉士授編脩天才英敏工詩文尚氣節究心經世之學與黃澂蘭寶竹坡盛伯義輩日相砥礪累擢禮部侍郎中日事棘陳戰守榮萬言奏對之頃涕泗交頤上嘉歎之以妹珍妃專貴人 太后不願其幹任內職授烏理雅蘇臺叅贊大臣公策馬踰天山西絕幕所經過輒誦咨山川風俗宗教皆以詩紀之奏往攻牙子清理中俄積案千餘中外翕服蒞任後連跡陳西北防務發強隣狡謀中當軸忌左遷索倫領隊大臣數宿夏副都統宣統二年授杭州將軍明季調伊犁將軍加尚銜書入覲條上疆邊患禦外機宜甚悉又陳新政廉賈請省罷專一練兵以救危局多蒙采納八月發新疆聞武昌亂或勸公逗留公執不可九月抵任所時蘭州甯夏新軍多變伊犁協統楊繡緒以軍士據南北軍器庫校攻將軍官舍迫請公為都督不可促蒞商會定大計又峻拒之遽舉鎗轟之遂遇害僕呂順撫尸慟哭亦鎗殺之巡捕官劉崇德放練官春勛同及於難事聞贈太子少保謚文貞

九縣聽迴三精霧駐赤青稜天陽九兆亂壯矣文貞宣勞玉塞人之云亡邦國殄瘁



文瑞字芝亭姓鈕祜祿氏滿洲鑲黃旗人開國功臣額亦都後裔諱男爵克頭等侍衛授馬蘭鎮總兵以陟樹勳免官再起為歸化城副都統兼綏遠城將軍光緒庫子拳亂作蔓延蒙旗公與外人推誠商榷賠款獨輕蒙民德之歷青州成都副都統授西安將軍興學勸工為政一如官青州時宣統辛亥革命事起西安兵變新軍應之據漢城縱火焚教公與副都統承燕克蒙額籌策防守率駐防旗營奮厲抗戰一晝夜未少息次日昧爽新軍攻東南門旗下多傷亡督策益力新軍約停戰議款往復數四不諧公開諭之索不答新軍忽棄要夾攻力禦之漸不支旗族死者二千餘人麾下及其子熙麟環請引避公曰吾為統兵大臣不能戡亂惟有死耳乃具衣冠投井死遺照入而遜位詔已下故卹典不及云

豕朝龍興佐命翊世宏毅額公大勳丕集慶流苗裔矯翼勵翮圭璧其行堅貞其德兵革寢滋攻伐萌生嗚呼國殤身廉志明



承燕字貽安姓博爾濟吉特氏蒙古鑲黃旗人杭州
將軍果勒敏子以散秩大臣授京旗副都統旋授西
安左翼副都統宣統三年陝西革命軍起公与之搏
戰一晝夜力盡立官舍投井殉難年二十有八
澤火之既肇于東南秦人效之聚而殲焉元戎
殉國都護安歸消古井千載同悲



克蒙額字指臣陝西駐防滿洲鑲藍旗人由養育兵厯官
至西安右翼副都統辛亥秋革命事起西安響應請巡
撫錢能訓發新軍械不應事亟巡撫避入教堂置亂事不
問將軍文瑞左翼副都統承燕殉焉公年七十餘激戰三晝
夜力竭歿於陣

祠孤夜嗥澤火晨炎假託公羊治道夢焉七十喪翁
力戰身殲國殤來歸秋菊寒泉



額拓本字印泉姓 氏西安駐防正白旗 人由馬甲
隨袁文誠公保恆江北大營積勛洊升佐領宣統辛亥
九月民軍變起西安滿城不守公率妻吳氏子蟒兒全
家死節

瞿泉蒼烏橫江固歟一夫夜許天下塔蹟貞臣誓
死白賁无咎妻子巡之河山同壽



特克什冒字 西安駐防 鑲黃旗人由前鋒游官佐領
辛卯九月民軍變起公隨將軍禦之在西安滿城北馬道
陣亡其長子文生貢文貴次子文訓女縣娃同死嫂包郭
氏同殉

威孤不弦澤火用熾烈女從夫忠臣殉國其事則殊
其迹一轍烏諄特君全家生色




圖們布字書府姓 氏西安駐防 正白旗人由馬甲前
鋒屢從戰陳有功歷保驍騎校防禦游升佐領宣統辛亥
秋革命事亟九月西安陷公帥子文林成林同日歿年六
十有八

運厄陽九有實自天帝曰遜哉君子恫焉圖君抗節
及其二子勁州疾風有光惇史



喜明字括臣西安駐防 正紅旗人姓 氏光緒丁酉舉人有
膽略嘗曰男兒當效馬革裹尸辛亥秋九月民軍起攻旗
營將軍文瑞督戰公請自領兵百餘人獨樹一幟誓以書生
效死疆場戰不利退守滿城奔告其母曰吾屬不免矣母
曰婦人以潔身為重可受辱乎率子婦二幼孫一投井死其
三女匿鄰廟中公走入次第刃之血書壁間曰喜括臣三女
死於此遂家縱火自焚死年四十有六

忠孝之至發於文章書生教  桂籍敬先友占金柅
吁嗟其亡八口之家同謫國殤



德祐字受之滿洲正藍旗第五族宗室由宗人府筆帖式
游禮部主事充神機營文案光緒三十二年改民政部
六品警官內城辦事委員修普陀峪定東陵方中保道
員加二品銜宣統二年授陝西鳳翔府三年九月西安兵變
公與同城知縣彭銖嵩募勇任防守變軍攻城急有內
應者城遂陷左右擁公走避曰此吾死所何辟為遂遇害
二子長緯長繹死之彭知縣四川宜賓人由舉人官鳳翔令
亦同遇難

統錮殉邑有光明寺蓮臺撰碑千古於邑太守似
之童烏曰二芳艸卷施金荃流涕



德銳字時敏姓那木都魯氏滿洲正白旗人光緒乙未進士改
知縣發陝西歷宰長安寶雞三原諸縣溫仁多恕政平訟
理宣統辛亥九月革命事起滿蒙人被禍烈亂者入君室
公方與家族會食爭語公曰公廉明得民心吾曹不忍
死公請出城公曰余滿洲人也何忍獨生遽起奪刀自
刺卒妻某氏從死一女扶匱歸友人董玉磨育之及歲嫁
士人

四七之際謬稱光復彼亦黃齋黃齋九世復仇
公羊誤讀家治穀梁欲平斯獄



來秀字樂三姓聶格里氏滿洲鑲藍旗人由緒譯生貢
考取筆帖式升刑部郎中屢決疑獄充軍機章京
光緒二十三年京察簡福建汀州府知府任事六載
善政得民宣統辛亥九月廣東革黨入汀福州省垣
失守將軍樸壽總督松壽同死難全省無主事傳
散於府城於是防營譁變武弁潛逃三十日女牆忽
懸白旗公知事不可為在府署焚堂朝服仰藥以殉
部民悼之祀之昭忠祠中

仰藥懷印朝服堂皇來候死事大節章：氣通
天地魂為國殤八閩山海式薦芬芳



世增字益三姓祖氏大壽後裔漢軍正白旗人由生員肄業同文館通法英文充總理衙門通譯光緒己丑隨府丞薛福成使英法義比諸邦廿三年充駐法參贊次奉調駐俄羅斯薦升道員加布政使銜繕譯西比利亞鐵路全圖西藏全圖進呈卅二年授甯紹台道內任外務部承辦改充沂道擢雲南按察使升交涉使晉布政使明察守正奉公不回宣統三年七月量移甘肅南辦嚴武漢革軍始發難滇省新軍旦夕且變或勸公交替可脫險公曰臨難苟免非夫也新軍變法領事率禮數請辟入其館公以守土吏求於外人不可謝之揮眷屬出自懷印謁督部不見遂擬自戕為保謀唯時全城鼎沸軍隊擁入講武堂守以兵且索金助饒章禮數馳至語眾曰世好官吾代任軍費二萬明日當送方伯至予寓眾諾夜半鎗聲作或噪曰電請大兵至矣眾乃叩寢門強公為都督持不可眾立塔下持排鎗鉤發之自額至腹受五彈遂卒事聞贈巡撫謚忠愍

點山蒼：洱水瀾：北斗遙望京師萬里澤火炎上震驚朕師成仁取義死生以之



琦璘字耕敏姓費莫氏滿洲鑲紅旗人咸勤侯勒保裔孫
由刑部郎中授雲南澂江府知府調順甯府嚴正廉介
馭下不少假借宣統辛亥省垣兵變方議調兵往勦
先是順甯縣令蕭貴祥疏脫要犯公循例劾之蕭恨
次骨至是結巡防營作亂圍偏公公理喻之不退遽射
擊於官舍文昌官前遂遇害時年三十有七

若：世胄奕：高門結纓請命命排逢聖元疾風勁
艸碧血黃泉守土死土君子恫焉



貴林字翰香姓瓜爾氏佳滿洲正紅旗人駐防杭州官協領凡
勦辦學堂警察皆任其勞宣統辛亥革命事起浙江兵變
駐隊防營力抗拒之相持二日浙人勸罷戰緣械招公與議事坐
定或言旗營不可信且誣公置毒井中變軍遂轟鎗死之子量
海舉人存炳佐領哈楚顯同被戕

內憂中國民逸而狂海潮不至哀誓天狼卓彼貴君心
彈力竭一死艱貞終古甘節



桂陰字集五號福庭姓嵩佳氏滿洲鑲藍旗人由生
員官內閣中書游升刑部郎中充軍機章京授施南
府權守宜昌安陸揅守清嚴賢勞盡瘁脩堤防清獄
訟上下相順庶事皆理遭宣統辛亥武昌之變安陸為襄
樊門戶故無兵公急電內閣請兵既守且有事不濟以身
殉之語復牒本道請兵兵至無餉公陳衣物官舍售以充饌
十月五日兵驟變圍官舍公與妻富察氏步至崇聖祠對經
而死且顯字衣帶中曰有虛生一世不能報國生將安之之
語紳民斂瘞之事聞贈道負特謚通敏

陽九百六澤火上炎星不滅終至燬原安陸先
生良二千石夫忠婦義邦之司直




招鎮國驛謁呈南海縣人威海衛海軍學校畢業生習竿
術駕駛魚雷天文電氣等學皆精母充海容軍艦駕
駛官改長江礮臺官任天津警察官擢海軍部軍
學司科長宣統三年革命事起部令往長江偵察政
變在軍艦上遇害事聞優卹

招生攻苦礪然秉志矯翼勵翮譯鞮象寄周
網陵遲羣鹿爭逸永墜一劍聲施後世



端方字午橋姓託活絡氏滿洲正白旗人以任子官工部主事中光緒壬午
 舉人游貢外郎中改御史授霸昌道孫文正公荐之徵入為農工商局大
 臣戊戌變政撰勸善歌上之稱旨授晉臬陝藩署陝西巡撫庫子 兩宮
 西幸迎 駕設行在措置裕如調撫湖南湖北再權江鄂督部頗志興
 學資遣出洋學生最多克考察東西各國憲政大臣既遂成歐美政治
 要義上之議改立憲政體自此始宣統初元授直隸總督因扈從東陵圖
 寫陵寢樹木像罷斥辛亥以侍郎銜督辦川漢鐵路時盛宣懷貪緣
 尚書郵部建鐵路收歸國有之議度支尚書載澤奏災之收路科條川湘絕
 異川人大譁黨人乘之遂以保路同志會之名號召天下 湖北新軍首應之稱
 革命軍公隨鄂督瑞澂合劾趙尔豐瑞澂告載澤請飭公率湖北舊部入
 川查辦十月初公遵召將兵進次資州而部索饒詳變軍官劉怡鳳余大鴻
 按公斬之函首送武昌請功明年其子迎忠骸斂葬贈太子太保謚忠敏公學識淵
 粹警敏有大略博通中外精鑒賞度藏家富海內稱之著有壬寅消夏錄句
 齋吉金錄句齋藏石等書弟端錦自有傳

丰神散朗金石勤搜風雅章 大節彰 井絡天彭祚星
 夜賈水咽濱江惕哉忠敏



端錦字井網姓託活絡氏滿洲正白旗人忠敏公端方弟文生負
 河南候補知府曾赴東西洋考察路政著有日本鐵路紀要
 辛亥從忠敏公入蜀行至資州變作以身救其兄極口詈
 舊部無良同被害 特旨照三品官賜卹追謚忠惠
 常棣賡詩韓：鄂不平原常山忠孝式穀難
 弟難兄偕亡已蜀國殤終古騷音芭舞



舒志字昶如姓烏濟氏^{佳拉}滿洲正白旗人由理藩院筆帖式游升郎中
 歷掌徠遠旗籍王會理刑諸司稿印佐脩會典回子則例刑編
 回子冊檔光緒庚子之亂理藩部官舍燬圖籍賴公保存平日
 幹辦果敢不假吏胥授桂林知府宣統三年之任補太平府
 調鎮安府為政明斷甄善疾非時所屬都康土州匪起戕官公率
 勇往剿生擒匪首獲匪百餘郡肅清革命軍起提督陸榮廷自
 立為都督迫各屬投降降公聞變誓以身殉府幕沈源浩盲从
 黨人鈞連土匪促公獨立公執戮之^{茲獲}匪數人囚禁十月四日
 有黃姓兵官將民軍攻郡城沈堂內應城陷因公於宣化縣
 舍十一月望被言公子錫蘭再往始負尸歸公之將祖廕
 陞於咸豐^年任梧州府遭髮匪之亂城陷死之逾五十四季公
 遇革命之言一門忠烈皆死廣西亦可悲矣
 季父蒼梧阿咸扶蘇兩代太守惠政遐邇澤火
 孟占守土捐軀亦越二世先後同符



謝寶勝字子蘭安徽壽州人初巡西陲將軍金順部下克肅州及天山南北路有功屢保至都司素懷忠義秉性廉介嘗征剿回匪腹部受創甚劇裹帛奮勇追匪創崩潰腸流出歸營醫治勇氣不衰有戰事必身先士卒功績累與提督馬玉崑見相左奏劾入博克達山為黃冠光緒中馬統練軍以誠意敦促之出山隸馬戲下朝鮮事起出關與日本數十戰勇敵驢等倫講成憤極再為道士寄迹京師白雲觀河南巡撫吳重熹察器之自往謁之同赴河南宣統紀元授河北鎮撫兵公督駐軍河陝汝寧久紀律嚴明軍民畏服明年調南陽鎮仍制河陝汝軍洛陽張黑子嵩縣王天縱汝州董萬川皆一方桀悍難治者並計擒之河洛乃無遺寇將兵數十季負責累巡撫奏為乞恩飭以庫帑代償異數也民間寇攘潛蹤寧窳遁藏百姓感戴之湖北革命運軍起襄樊軍關入鎗礮噴發退裕州而遜位詔至痛哭失聲遂自戕卒

剛明彰若晚暢戎機卧鼓邊亭滅烽幽鄭運丁陽九金戈辟騰天地開革野戰羣龍火熾林旗風淒煞艸身殞玄泉神返蒼昊



良弼字賁臣滿洲鑲黃旗紅帶子大學士伊里布孫睿忠親王
裔也少孤事母以孝聞留學日本陸軍畢業歸隸練兵處
數升至陸軍部軍學司長禁衛軍協統鑲白旗副都統
晉軍諮使以知兵名改軍制立軍學練新軍皆公主之延攬
人才自將帥至士卒無不接納革黨慕之辛宣統辛亥武昌亂
起震驚京師大局岌岌公與二三才傑沈思規畫外聯將帥內
安當國思以立憲弭大禍上下倚重之時退職樞臣袁世凱
應召來京議至國體人心沁思忽於十二月十五日有投刺謁公
者公方自外歸甫及門遽投炸彈傷公股血如注醫云可療乃
有進以酒者遂殞未十日遜位詔下時皆悼之

狐鼠穴城兇虎率獸小人陰狡彈丸脫手良君健者
竟履斯艱丹心碧血千秋恫焉



馮汝楨字萊雲浙江桐鄉縣人由歲貢生入貲為縣令分發廣東
歷充軍械善後發審等局差以肅清廉欽積匪功擢直隸州
宣統三年檄署西甯縣令七月受事九月革命軍起與土匪結
合肆擾汝楨募團練百人四出鎮攝二十二日革命軍圍縣官舍迫
令投降汝楨朝服坐堂皇嚴辭拒之革命軍鎗刃交下脅折臂
斷而亡二十日子樹榮樹華由廣州奔赴西甯始斂尸回籍
卓哉馮子氣宇昂威政成三月滿一方倉卒變起高坐
堂皇後容飲彈血濺朝裳守土死土為邦國光



載穆字愛棠鑲藍旗宗室恂勤郡王允禩五世孫祖若父靜職為頭官公年廿補侍衛立內廷行走清剛有氣節好直言為長官所忌廿年不得調甲午中日戰起憤請行戈格於例不行二十五年隨怡親王溥靜送王際至盛京所過州縣例有餽遺公戒同行諸人「無所受王有家丁掠民婦民攔馬哭訴公獲以見王乃釋婦歸家丁而逐之」二十三年擢太原城守尉時詔裁駐防兵公倡辦農工業勸安工習實業暮年效大著能自營衣食者數百人宣統三年升京口副都統公見朝廷紊亂輿論訕訕知將亂乃作書試子使身赴任京口居蘇甯淮揚要衝為東南用兵必爭之地公甫視事方仿太原法為旗民籌生計而武昌變起警報至民紛避公下令繕城垣屬士卒誓以死守時駐防軍僅有騎一隊步一營器械皆窳而事權操於江甯兵備處別有新軍兩標皖人杜淮川統之駐近京口時江甯統將徐紹楨請發子彈總督靳之且使出守林陵關紹楨遂潛通蘇軍民益不安已而蘇常上海相繼獨立蘇撫程德全自稱都督傳檄各郡縣倡始革命淮川軍響應出據鐵路運軍火公急馳書江甯乞師總督撥二營應之嗣復檄之四省九月十六日鎮江商民共謀迎民軍道府諾之公堅持不可已而士紳請繳軍械益不許忽民軍入據漢城協領以下謁公琬跪以保全旗民生命為請視階下皆解甲待降公知事不可為憤極草疏數百言拜發即夜具衣冠自經死時九月十九日也事聞中旨命江甯將軍查明死事情形具奏未及上而江甯失故郵典不之及子溥芬迎櫬歸塋

滄海橫流愈壬弄權深仁厚澤亡也忽焉 祖宗憑鑒篤生斯人卓哉都護
不愧懿親

第一冊正誤

徐用儀傳第三行第二十一字「政」應作「充」

寶豐傳第六行「謚」字下應加「文節」二字

壽蕃傳第一行「菊」字下多一「客」字應刪

玉彬傳第三行「玉」字下應添一「堂」字

第二冊正誤

馮汝驥傳第十一行第十字「徽」應作「徽」

